

Ո Ր Ո Շ ՈՒ Մ

24 01 18
17-2 - 384


Վարչական իրավախախտման գործով գանգատն առանց բավարարման, իսկ
որոշումն անփոփոխ թողնելու մասին

22.01.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր
Կարապետյանս, վերանայելով Արման Մարդոյանի դիմումի շուրջ ստեղծված նյութերը,

Պ Ա Ր Ձ Ե Ց Ի



2017թ. դեկտեմբերի 29-ին Գեղարքունիքի մարզի Կարմիր գյուղի Ազատության 2-րդ
նրբանցք 3 տան բնակիչ Արման Մարդոյանը դիմումով հայտնել է, որ 13.12.2017թ.
Ճանապարհային ոստիկանության տեսուչը իր նկատմամբ կայացրել ԱԴ թիվ 418428
որոշումը՝ վարելու ժամանակ հեռախոսից օգտվելու համար, սակայն չի ներկայացրել
ապացույց: Դիմումատուին խնդրել է անվավեր ճանաչել իր նկատմամբ կայացված որոշումը,
քանի որ այն չի համապատասխանում իրականությանը:

Դիմումի ուսումնասիրությամբ պարզվել է, որ 13.12.2017թ. ժամը 16.30-ին Երևան
քաղաքի Դ.Անհաղթ փողոցի և Ազատության պողոտայի խաչմերուկի հատվածում Արման
Մարդոյանի կողմից վարած «Նիսսան» մակնիշի 35 GR 116 հաշվառման համարանիշի
ավտոմոբիլը կանգնեցվել է Ճանապարհային ոստիկանության ՃՊԾ 1-ին սպայական
գումարտակի 2-րդ սպայական դասակի ավագ տեսուչ, ոստիկանության մայոր Գ.Քարամյանի
և նույն դասակի տեսուչ, ոստիկանության լեյտենանտ Գ.Սարգսյանի կողմից՝ ՃԵԱԱՄՕ-ի
խախտման համար, այն է՝ վարորդն ավտոմոբիլը վարելու ընթացքում օգտվել է
հեռախոսակապից ձեռքի օգնությամբ: Վարորդի նկատմամբ կազմվել է վարչական
իրավախախտման վերաբերյալ արձանագրություն և համաձայն ՀՀ ՎԻՎ օրենսգրքի 124-րդ
հոդվածի 11-րդ մասի, կայացվել է ԱԴ թիվ 418428 որոշումը՝ 5000 դրամ տուգանելու մասին:

Ըստ ծառայողների գրավոր բացատրությունների՝ Դ.Անհաղթ փողոցի և Ազատության
պողոտայի խաչմերուկի հատվածում նկատել են, որ «Նիսսան» մակնիշի 35 GR 116
հաշվառման համարանիշի ավտոմոբիլի վարորդը վարելու ընթացքում օգտվում է
հեռախոսակապից ձեռքի օգնությամբ: Սահմանված կարգով կանգնեցնելուց հետո ավագ
տեսուչ Քարամյանը մոտեցել է վարորդին, ներկայացել, հայտնել կանգնեցման պատճառը և
պահանջել է փաստաթղթերը: Վարորդը հայտարարել է, որ համաձայն չէ իրեն ներկայացված
իրավախախտման հետ, քանի որ դրա վերաբերյալ տեսագրություն չկա: Վերջինիս
պարզաբանվել է, որ իրավախախտումը արձանագրելու համար տեսագրության առկայությունը
պարտադիր նախապայման չէ և, հաշվի առնելով, որ խախտումն եղել է ակնհայտ, պարզ
տեսանելի և տեսուչների տեսադաշտում՝ Արման Մարդոյանի նկատմամբ կազմվել է

վարչական իրավախախտման վերաբերյալ արժանազրույուն, որից ուստի վերջոսս սշել է իր անհամաձայնությունը և ստանալով որոշման իր օրինակն ու փաստաթղթերը՝ հեռացել է:

Դիմումում նշված հանգամանքների շուրջ պարզաբանումներ տալու նպատակով՝ Արման Մարդոյանը հեռախոսակապի միջոցով հրավիրվել է ճՈ, սակայն հայտնել է, որ դիմումին ավելացնելու ոչինչ չունի և խնդրել է քննարկման արդյունքների մասին տալ գրավոր պատասխան:

Համաձայն «Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի՝ ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ.Արման Մարդոյանի արարքում առկա է Վարչական իրավախախտումների վերաբերյալ ՀՀ օրենսգրքի 124-րդ հոդվածի 11-րդ մասով նախատեսված իրավախախտման զանցակազմը, ուստի, ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Արման Մարդոյանի դիմումը թողնել առանց բավարարման, իսկ ճանապարհային ոստիկանության ճՊԾ 1-ին սպայական գումարտակի 2-րդ սպայական դասակի ավագ տեսուչ, ոստիկանության մայոր Գ.Քարամյանի կազմած վարչական իրավախախտման արձանագրության հիման վրա 13.12.2017թ. կայացված ԱԴ թիվ 418428 որոշումը՝ Արման Մարդոյանին հինգ հազար դրամ տուգանելու մասին՝ անփոփոխ:
2. Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե. Կարապետյան